

SCRIPT OF MORNING GOJRI NEWS BULLETIN 28MAR 2025

1015HRS

مارننگ گوجری نیوز بولٹن 28 مارچ 2025

یوہ آکاشوانی جموں بے محمد اکرم تیں خبر سُنو۔

ENCOUNTER

ضلع کٹھوعہ مانہہ جوٹھانہ گا سومنن جنگل مانہہ دہشت گرداں تے سلامتی دستاں گے درمیان چل رہیا ایک تصادم مانہہ ترے دہشت گرد ہلاک ہر دتا گیا ہیں جدکہ اتنی تعداد مانہہ حفاظتی اہلکار وی شہید ہوا ہیں آکاشوانی جموں غا نمائندہ غی رپوٹ غے مطابق چار حفاظتی اہلکار جن مانہہ ایک جموں کشمیر پولیس گو ڈی وائی ایس پی تے ایک نیم فوجی دستہ گو جوان وی زخمی ہوو بے دسیو جارہیو بے جے ایس ڈی پی او باڈر ڈی وائی ایس پی دیرج کٹوچ ٹھوڑہ زخمی ہوا ہیں جدکہ اس توں علاوہ ترے حفاظتی دستہ گا جوان شدید زخمی ہون غی وجہ سنگ زیر اعلان چل رہی ابیں جہیڑا سلامتی دستاں گا جوان شہید ہوا ہیں اُن مانہہ ڈی وائی ایس ہی کٹوچ گو ایس پی او وی شامل بے شہید ہوا جواناں گی شناخت ریاسی گا ایس جی سی ٹی طارق احمد بیرہ نگر گا ایس جی سی ٹی جسونت سنگھ تے کٹھوعہ نانک چک گا ایس جی سی ٹی بلویندر سنگھ گا طور ور ہونی بے یوہ تازہ ٹاکرو وبروار صویر اُس ویلہ شروع ہوو تھو جد سلامتی دستہ ایک تلاشی کاروائی چلا رہیا تھا۔ ڈی جی پی نالین پربہات گے ہمراہ آئی جی پی جموں بھیم سین توٹی تے آئی جی سی آر پی ایف سمیت پولیس تے فوج غا دوجہ اعلیٰ افسر کاروائی ور نگرانی رکھیا واں تھا تے اس سلسلہ مانہہ مزید تفصیلات گی اجوں اڈیک بے۔

CABINET MEETING

کابینہ نے جمعہ رات نانہہ وزیر اعلیٰ عمر عبداللہ گی طرفوں ۷ مارچ نانہہ اپنی بجٹ تقریر مانہہ کیا گیا اہم بجٹ اعلانات ور عمل درآمد واسطے اپنی منظوری دے دتیہے آکاشوانی جموں غا نامہ نگار نے اطلاع دتی بے کہ کابینہ گی میٹنگ وزیر اعلیٰ عمر عبداللہ گی صدارت مانہہ منعقد ہونی تے اس مانہہ بکھ بکھ محکماں گی طرفوں اعلانات ور عمل درآمد گا طریقہ کار گی منظوری دتی گئی۔ جنمانہہ اے اے وائی مستفیدان نانہہ مفت راشن تیمفت بجلی سمیت پینشن تے شادی گے متعلق سکیم شامل ہیں۔ اہم بجٹ اعلان مانہہ وزیر اعظم گی سوریہ گھر مفت بجلی یوجنہ گے تحت تمام اے اے وائی گھراں نانہہ ۲ سو یونٹ مفت بجلی تے فی شخص ۰۱ کلو گرام مفت راشن دینو شامل بے۔

ECI

بھارتی چناؤ کمیشن نے ۷۷ نگروٹہ تے ۷۲ بڈگام اسمبلی حلقاں مانہہ جت جلد ہی ضمنی انتخابات وین گا خصوصی سمری نظر ثانی غو اعلان کیو بے آکاشوانی جموں غا نامہ نگار غے مطابق ۴ اپریل نانہہ پولنگ مرکز نانہہ نوا سرے تیں ترتیب دت جے غی جدکہ ۸ اپریل نانہہ ابتدائی انتخابی فہرست شائع کیا جیں گا ۸ تیں ۲۲ اپریل توڑی عوام اپنا دعوا تے اعتراضات درج کروا سکیں جس نانہہ ۲ متی توڑی نمٹا دتو جے غو حتمی انتخابی فہرست ۵ مئی نانہہ جاری کی جے غی۔

SHAB GREETINGS

لیفٹیننٹ گورنر منوج سنہا وزیر اعلیٰ عمر عبداللہ تے نائب وزیر اعلیٰ سریندر چودھری تے دیگر وزرا نے عوام نانہ شب قدر تے جمعہ ٹل ودا غی مبارک باد پیش دتی۔ آکاشوانی جموں غا نمائیندہ غی رپوٹ غے مطابق اُنہاں نے اپنا پیغامات مانہ ان مقدس راتاں غی روہانی اہمیت ور روشنی کھلی تے عوام واسطے سہت کوشہالی ت کامیابی غی دعا کیں وزیر برائے دیہی ترقی جاوید دار وزیر صہت سکتینہ اتو تے وزیر برائی جل شکتی جاوید رانا نے وی عوام نانہ اس بابرکت موقع ور نیک خواہشات پیش کی۔

STAMP DUTY

سرکار نے خونی رشتاں مانہ گفٹ ڈبڈ گے زریعے جائیداد کی منتقلی ور سٹیمپ ڈیوٹی ختم کردتیہے آکاشوانی جموں غا نامہ نگار نے اطلاع دتی ہے کہ خون گا رشتہ گیاندر جائیداد کی منتقلہ ور سٹیمپ ڈیوٹی ایک ٹیکس ہے جہیرو خاندانگا قریبینی افراد گے درمیان جائیداد گو تحفہ کی طرفوں ایس او ۵۷ گے تحت استثنیٰ ۱ اپریل ۲ ہزار ۵۲ توں نافز احمل وے گو نوٹفیکیشن گے مطابق سٹیمپ ڈیوٹی توں چھٹکارو باپ ماں بٹھانی بہن بیٹا بیٹی دادا دادی پوتا تے پوٹی گے درمیان جائیداد کی مستقل ور لاگو وے گو یوہ حکم نامو سٹیمپ ڈیوٹی ایکٹ کی دفعہ ۹ کی شق اے گے تحت جاری کیو گیو ہے جہیرو جے حکومت کی طرفوں مفاد عامہ گو فیصلو ہے۔

SMVDSB FACILITIES

شری ماتا ویشنو دیوی شرانین بورڈ نے نوراترہ غے دوران ۰۳ مارچ تیں ۶ اپریل توڑی یاتریاں واسطے نوی سہولیات فراہمی ہیں آکاشوانی جموں گا نمائیندہ غی رپوٹ غے مطابق اردکواری مانہ ۰۵۱ یاتریاں واسطے ہر موسم مانہ آرام کرن غی جگہ تیار کی گئی ہے جت پانی اٹی ایم پرساد گرجون آرتی غو براہ راست ٹیلی کاسٹ وے غو اس تیں علاوہ نوی ترین آرائش شدہ درشنی ڈیوڈی تے ۲ منزلہ قطار غا نظام غو مرکز وی یاتریاں غو استقبال کرن واسطے تیار ہے۔

PM MKB

وزیر اعظم نریندرمودی ملک تے بیرون ملک رہ رہیا بھارتی شہریاں سنگ آئندہ 30 ما رچ نانہ آکاش وانی ور من کی بات پروگرام مانہ اپنا خیالات سانجہ کریں گایاہ مابوار ریڈیو پروگرام غی 120 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ نریندرمودی ایپ پیاہ فر ما نی گوو اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تاریخ توڑی ہی قابل قبول وین گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن انر مو بائل ایپ ور نشر تے ٹیلی کاسٹ کیو جا ئے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جا ئے گو۔ آکاش وانی اس پروگرام غی بندی نشریات غے فوراً بعد اس نانہ علاقانی زبانان مانہ وی نشر کرے گو۔

RAJOURI FIT INDIA

ضلع راجوری غا سرکاری کالج درہال مانہہ فٹ اجڈیا غا تسلسل غے پیش نظر ایک ٹگ آف وار
مقابلہ غو اہتمام کیو گیو جس مانہہ تمام سمسٹراں غا طلباء نے بڑا جوش و خروش سنگ
حصو لیو۔
